

ქალაქ თბილისის მუნიციპალიტეტის საკრებულოს

და

ფრაქციის „ერთიანი ნაციონალური მოძრაობა“

წევრების:

თორნიკე ბიკაშვილის

ანა გოგოლაძის

მამუკა გუგუშაშვილის

შოთა გრიგოლიას

ირაკლი ებგვერაძის

ნინო კვიციანიშვილის

მიხეილ კაკაურიძის

ირაკლი ნადირაძის

ბარბარა ჯიმელი სულაშვილის

გაწეული მუშაობის შესახებ ამომრჩევლებისთვის ანგარიშის წარდგენისა

და

ამომრჩევლებთან საჯარო შეხვედრის

ოქმი

ქ. თბილისი

2022წ

23 ოქტომბერი

ქალაქ თბილისის მუნიციპალიტეტის საკრებულოს დიმიტრი ყიფიანის სახელობის სხდომათა დარბაზში ფრაქციის „ერთიანი ნაციონალური მოძრაობა“ წევრთა ნაწილმა საქართველოს ორგანული კანონის „ადგილობრივი თვითმმართველობის კოდექსი“ მუხლი 88 შესაბამისად გამართა ამომრჩევლებთან საჯარო შეხვედრა ჩააბარა ანგარიში ქალაქ


თბილისის მუნიციპალიტეტის საკრებულოში გაწეული საქმიანობის შესახებ ფრაქციის შეხვედრაში, კანონმდებლობით დადგენილ ვადაში უზრუნველყოფენ ანგარიშის წარდგენას.

საკრებულოს /ფრაქციის წევრების თორნიკე ბიკაშვილის, ანა გოგოლაძის, მამუკა გუგუშაშვილის, შოთა გრიგოლიას, ირაკლი ეძგვერაძის, ნინო კვიციანიშვილის, მიხეილ კაკაურიძის, ირაკლი ნადირაძის, ბარბარა ჯიმელი სულაშვილის მიერ მოხდა ქალაქ თბილისის მუნიციპალიტეტის საკრებულოში, საკრებულოს კომისიებსა და ფრაქციაში გაწეული სამუშაოს შესახებ ანგარიშის მიწოდება.

საჯარო შეხვედრის მონაწილე ამომრჩევლების მხრიდან ანგარიშის წარმდგენი საკრებულოს წევრების მიმართ იყო შეკითხვები, რომელსაც უპასუხეს ადრესატებმა.

საჯარო შეხვედრაზე წარდგენილი ანგარიშის კონსოლიდირებული ვერსია თან ერთვის წინამდებარე ოქმს.

საჯარო შეხვედრის წარმართვაზე პასუხისმგებელი პირი
ირაკლი ნადირაძე



ქალაქ თბილისის მუნიციპალიტეტის საკრებულოს

და

ფრაქციის „ერთიანი ნაციონალური მოძრაობა“

წევრების:

თორნიკე ბიკაშვილის

ანა გოგოლაძის

მამუკა გუგუშაშვილის

შოთა გრიგოლიას

ირაკლი ეძგვერაძის

ნინო კვიციანიშვილის

მიხეილ კაკაურიძის

ირაკლი ნადირაძის

ბარბარა ჯიმელი სულაშვილის

კონსოლიდირებული

ანგარიში

გაწეული მუშაობის შესახებ

ქალაქ თბილისის მუნიციპალიტეტის საკრებულოს წევრები: თორნიკე ბიკაშვილი, ანა გოგოლაძე, მამუკა გუგუშაშვილი, შოთა გრიგოლია, ირაკლი ეძგვერაძე, ნინო კვიციანიშვილი, მიხეილ კაკაურიძე, ირაკლი ნადირაძე, ბარბარა ჯიმელი სულაშვილი

ასევე ზვიად კუპრავა, ლილე ლიპარტელიანი, გიორგი ონიანი და სოფიო ჯაფარიძე გაერთიანებულნი არიან ქალაქ თბილისის მუნიციპალიტეტის ფრაქციაში "ერთიანი ნაციონალური მოძრაობა".

ფრაქციის წევრები პროპორციული წარმომადგენლობის ქვოტით ასევე წარმოდგენილნი არიან ქალაქ თბილისის მუნიციპალიტეტის საკრებულოს შემდეგ კომისიებში:

1. სარევიზიო კომისია: ზვიად კუპრავა, გიორგი ონიანი;
2. ჯანმრთელობის დაცვისა და სოციალურ საკითხთა კომისია: სოფიო ჯაფარიძე, ლილე ლიპარტელიანი, მამუკა გუგუშვილი;
3. განათლებისა და კულტურის კომისია: ნინო კვიციანიშვილი, სოფიო ჯაფარიძე;
4. იურიდიულ საკითხთა და ადამიანის უფლებათა დაცვის კომისია: თორნიკე ბიკაშვილი, გიორგი ონიანი;
5. ურბანული დაგეგმარებისა და საქალაქო მეურნეობის კომისია: ლილე ლიპარტელიანი, მამუკა გუგუშვილი, მიხეილ კაკაურიძე.
6. სატრანსპორტო საკითხთა კომისია: ანა გოგოლაძე, მიხეილ კაკაურიძე, ზვიად კუპრავა;
7. გარემოს დაცვის კომისია: ბარბარა ჯიმელი სულაშვილი, შოთა გრიგოლია, ირაკლი ეძგვერაძე;
8. სახელდებისა და სიმბოლიკის კომისია: ირაკლი ნადირაძე, შოთა გრიგოლია;
9. სპორტისა და ახალგაზრდულ საქმეთა კომისია: ნინო კვიციანიშვილი, ირაკლი ეძგვერაძე.
10. ეკონომიკური განვითარების, საინვესტიციო პოლიტიკისა და საერთაშორისო ურთოერთობების კომისია: ბარბარა ჯიმელი სულაშვილი.
11. ქონების მართვისა და საფინანსო-საბიუჯეტო კომისია: თორნიკე ბიკაშვილი, ანა გოგოლაძე, ირაკლი ნადირაძე;

ანა გოგოლაძე მიმდინარე წლის 07 ოქტომბრამდე იყო ეკონომიკური განვითარების, საინვესტიციო პოლიტიკისა და საერთაშორისო ურთოერთობების კომისიის შემადგენლობაში და მუშაობა გააგრძელა სატრანსპორტო საკითხთა კომისიის შემადგენლობაში.

წინამდებარე ანგარიში მოიცავს იმ საკითხებს რომლებიც ჩაეტია საჯარო შეხვედრის ფორმატში და ამ საკითხების დეტალურ ინფორმაციას იმ ამომრჩევლისთვის, რომელიც ვერ დაესწრნენ ამ შეხვედრას მაგრამ დაინტერესებულნი არიან საკითხით და ბეჭდური ვერსიიდან მიიღებენ ინფორმაციას.

ფრაქციაში გაწევრიანებული საკრებულოს წევრების აქტივობას ახასიათებს გუნდური მუშაობის პრინციპი და მიუხედავად იმისა, რომ ფრაქციის მიერ მომზადებული საკითხზე მომხსენებელი ძირითადად არის ფრაქციის რომელიმე წევრი, ასეთი თემები მთელი გუნდის მონაწილეობით არის დამუშავებული.

ფრაქციის ხელმძღვანელობა დაკომპლექტებულია შემდეგნაირად:

ირაკლი ნადირაძე - ფრაქციის თავმჯდომარე;

სოფიო ჯაფარიძე - ფრაქციის თავმჯდომარის მოადგილე;

თორნიკე ბიკაშვილი - ფრაქციის თავმჯდომარის მოადგილე;

ანა გოგოლაძე - ფრაქციის თავმჯდომარის მოადგილე;

გიორგი ონიანი - ფრაქციის თავმჯდომარის მოადგილე.

საკრებულოს წევრების აქტივობა გამოიხატა საკრებულოს, საკრებულოს კომისიებისა და ფრაქციის სხდომებში მონაწილეობის მიღებით. მოქალაქეებთან შეხვედრით, როგორც საკრებულოს წევრების სამუშაო ადგილზე ისე მოქალაქეთა საცხოვრებელ ტერიტორიაზე.

ასეთი შეხვედრის დროს ნინო კვიციანიშვილის მიერ ეტლით მოსარგებლე შშმ პირის საკრებულოში ვიზიტის დროს, გამოვლენილი იქნა ფაქტი, რომ საკრებულოს ადმინისტრაციული შენობა სრულად არ არის მორგებული ეტლით მოსარგებლეთა საჭიროებას.

უფლებამოსილების განხორციელებისთვის საჭირო ინფორმაციის მიღებას საკრებულოს წევრები ახორციელებენ როგორც საკრებულოში მიღებული მასალებიდან, ისე გამოთხოვილი ინფორმაციებით და კვლევით, რომელსაც ფრაქციის წევრები აწარმოებენ. აღნიშნულ პროცესში პრობლემას ქმნის მმართველი პარტიის დამოკიდებულება ოპოზიციის სამუშაო პროცესისადმი, რაც გამოიხატება, ინფორმაციის ნაწილობრივ და სრულად გაუცემლობით. საკრებულოსადმი ანგარიშვალდებულების უგულვებელყოფაში.

საკრებულოს წინაშე ანგარიშვალდებული პირებისგან ინფორმაციის მიღება საკრებულოს წევრის და მითუმეტეს ოპოზიციური ელექტორატის წარმომადგენლებისთვის, უფლებამოსილების განხორციელების დამატებითი საშუალებაა, თუმცა არც კახა კალაძე და არც მერიის თანამდებობის პირები არ ასრულებენ ამ ვალდებულებას.

ფრაქციის წევრები შესაძლებლობის ფარგლებს მაქსიმალურად იყენებენ, რომ თბილისის მუნიციპალიტეტში არსებული დარღვევები მაქსიმალურად იქნეს გასაჯაროებული.

არაფორმალური მმართველობის მიერ შექმნილი ხელოვნური დაბრკოლებები ძლიერ აფერხებს ადგილობრივი დემოკრატიის განვითარებას.

2021 წლის დეკემბერში ფრაქციის "ერთიანი ნაციონალური მოძრაობა" წევრები მონაწილეობდნენ პრეზიდენტ სააკაშვილის თავისუფლების, პოლიტიკურად მოტივირებული მართლმსაჯულების დასრულების და ვადამდელი არჩევნების მოთხოვნით დაწყებულ შიმშილობის აქციაში.

2021 წლის 28 დეკემბერს ფრაქციამ დააყენა რიგგარეშე სხდომის ჩატარების მოთხოვნა, რადგან კახა კალაძემ არ შეასრულა საკრებულოსთვის ანგარიშის ჩაბარების ყოველწლიური ვალდებულება, და საკრებულოს სხვა ოპოზიციურ წარმომადგენლებთან ერთად მოსთხოვა თბილისის მერს საკრებულოსადმი ანგარიშვალდებულების პრინციპის პატივისცემა და ანგარიშის წარდგენის იმპერატიული ვალდებულების შესრულება.

კახა კალაძემ არ უზრუნველყო ადგილობრივი თვითმმართველობის კონსტიტუციური პრინციპის პატივისცემა და არ შეასრულა კანონმდებლობის მოთხოვნა.

2022 წლის 25 იანვარს, უკრაინაში რუსეთის მიერ ახალი საომარი მდგომარეობის პირობებში ფრაქციამ "ერთიანი ნაციონალური მოძრაობა" თბილისის საკრებულოს წარუდგინა თბილისთან დამშობილებული ქალაქის, კიევის რადას მიმართ მხარდამჭერი მიმართვის პროექტი, სადაც თბილისის საკრებულოს სრული შემადგენლობა, მიუხედავად პოლიტიკური შეხედულებისა, ერთობლივ მხარდამჭერას გამოუცხადებდა უკრაინას.

25 იანვრის თბილისის საკრებულოს სხდომა გიორგი ონიანის ინიციატივით დაიწყო უკრაინის სახელმწიფო ჰიმნით. ნინო კვიციანიშვილმა საკრებულოს სხდომას წარუდგინა ფრაქციის მიერ მომზადებული მიმართვის პროექტი, ფრაქცია ქართული ოცნების წარმომადგენლების მხრიდან იყო წინადადება ერთობლივად დაემუშავებინათ მიმართვის ტექსტი, თუმცა მათი მხრიდან მოხდა ალტერნატიული ტექსტის შემუშავება, სადაც არ იყო ნახსენები ოკუპანტი მხარე.

საკრებულოს ოპოზიციის სრულმა შემადგენლობამ ჩათვალა, რომ რადგან "ქ.ოცნების" მიერ შემუშავებული ვერსია სრულად არ ასახავდა მოსახლეობის განყოფილებას და რეალურ პოლიტიკურ ვითარებას და გადაწყვიტა უკრაინის მხარდასაჭერად ოპოზიციური პარტიების მიერ შემუშავებული ტექსტის გაგზავნა.

თბილისში უნებართვო მშენებლობების პრობლემებთან დაკავშირებით ფრაქციამ 01 თებერვლის სხდომაზე დაიბარა მუნიციპალური ინსპექციის უფროსი კახაბერ გულედანი და თბილისის ვიცე მერი ირაკლი ხმალაძე, თუმცა აღნიშნული თანამდებობის პირებმა არ შეასრულეს ფრაქციის სხდომაზე დასწრების ვალდებულება. ამ დარღვევის თაობაზე ფრაქციამ რეაგირებისთვის მიმართა თბილისის მუნიციპალიტეტის მთავრობას:

გთხოვთ, გვაცნობოთ, როგორია თქვენი, ქ. თბილისის მუნიციპალიტეტის მთავრობის პოზიცია ვიცე-მერის ბატონი ირაკლი ხმალაძის და მუნიციპალური ინსპექციის უფროსის ბატონი კახა გულედანის მიერ ფრაქციის სხდომაზე დასწრების ვალდებულების შეუსრულებლობაზე და მოახდენს თუ არა მთავრობა თბილისის მუნიციპალიტეტის საკრებულოს მიერ მიღებული ადმინისტრაციულ-სამართლებრივი აქტების აღსრულებას, მთავრობის წევრთა მიერ ფრაქციის სხდომაზე დასწრების ვალდებულების შესრულების უზრუნველყოფას.

გთხოვთ, აღნიშნული საკითხი იმსჯელოთ მთავრობის უახლოეს სხდომაზე და წერილობით გვაცნობოთ თქვენ მიერ მიღებული გადაწყვეტილება.

არც ამ საკითხზე დაფიქსირებულია თბილისის მთავრობის რეაგირება.

03 თებერვალს თბილისის საკრებულოში ჩატარებული ბრიფინგით სოფიო ჯაფარიძემ გაახმოვანა ფრაქციის პოზიცია თბილისის მერიის ახალი ადმინისტრაციული შენობის აშენების საკითხზე: მოვიპოვეთ დოკუმენტაცია იმის შესახებ, რომ როდესაც ქალაქში და მთელს ქვეყანაში არის უმძიმესი მდგომარეობა და ადამიანები შიმშილობენ ახალი კაბინეტებისა და ფუფუნებისთვის ათეულობით მილიონი ლარის დახარჯვა იგეგმება. სრულად ვემიჯნებით მათ ამ გადაწყვეტილებას და ვთხოვთ, რომ თანხა რომელიც ამ კონკრეტული შემთხვევისთვისაა გამოყოფილი თბილისელების კონკრეტული პრობლემების მოგვარებას მოხმარდეს“- განაცხადა სოფიო ჯაფარიძემ.

ფრაქციამ, მერიის თანამდებობის პირების ანგარიშვალდებულების საკითხთან დაკავშირებით, “ქ.ოცნების” რიტორიკის პასუხად ნინო კვიციანიშვილმა განაცხადა, რომ:

„როდესაც ფრაქცია შეხვედრაზე იწვევს მერიის თანამდებობის პირს და აქვს კონკრეტული კითხვები, რომლებზე პასუხებიც აინტერესებს თბილისის მოსახლეობას, მერიის სამსახურების წარმომადგენლები უნდა მობრძანდნენ ფრაქციის სხდომაზე და პასუხი გასცენ დასმულ შეკითხვებს. ფრაქციის გადასაწყვეტია ამა თუ იმ ფრაქციის სხდომაზე მოიწვევს თუ კომისიის სხდომაზე. ჩვენ გვაქვს ძალიან სერიოზული კრიტიკა ხელისუფლების მიმართ, კრიტიკა თუ დღეს ისტერიად აღიქმება, ეს მხოლოდ აღქმის საკითხია.”

ანა გოგოლაძემ წამოჭრა საკითხი რომელიც მმართველი პარტიის პირობებშია ასევე ძალიან პრობლემატურია, ესაა საკრებულოს წევრის მიერ გამოთხოვილი ინფორმაციის მიუღებლობა, კონკრეტულ მაგალითად დაასახელა ქეთევან წამებულის გამზირზე მიმდინარე სარეაბილიტაციო სამუშაოების პროექტებზე შშმ პირების საჭიროებების ასახვას, იქვე მდებარე უსინათლოთა სკოლის გარემოების გათვალისწინებით. არც ორხვეში საცხოვრებელი სახლების დემონტაჟის შედეგად გამოსახლებულ მოქალაქეთა ქონებრივი მდგომარეობის შესახებ ინფორმაცია იქნა მოწოდებული.

ამ სხდომაზე ლილე ლიპარტელიანი ასევე გამოეხმაურა თბილისის მერის მიერ საკრებულოსთვის ანგარიშის წარუდგენლობის საკითხს და რომ მთავრობის წარდგენა და ანგარიშის წარდგენა აბსოლუტურად განსახვავდება ერთმანეთისგან.

22 თებერვალს ფრაქციამ საკრებულოს წარუდგინა ინიციატივა მოსკოვის გამზირისთვის სახელის გადარქმევის თაობაზე ვინაიდან:

აფხაზეთსა და შიდა ქართლში რუსული ოკუპაციის პირობებში საქართველოს დედაქალაქში “მოსკოვის გამზირის” სახელდების შენარჩუნება ეწინააღმდეგება გეოგრაფიული ობიექტების სახელდების მარეგულირებელი კანონმდებლობის ისეთ პრინციპებს, როგორიცაა:

სახელდების შესაბამისობა ქვეყნის იდეურ-პოლიტიკურ ორიენტაციასთან; სახელდებაში ქვეყნის და დედაქალაქის განვითარების ძირითადი მიმართულებების ასახვა; დაუშვებელია ისეთი სახელდება, რომელიც ეწინააღმდეგება ეროვნულ ღირსებას, სახელს უთქვამს საოჯუპაციო რეჟიმს.

და დააყენა გამზირისთვის კიევის სახელის მინიჭების ინიციატივა რადგან :

კიევი, როგორც უკრაინის დედაქალაქი და პოლიტიკური ცენტრი, დღევანდელ გეოპოლიტიკურ რეალობაში წარმოადგენს ანტისაოკუპაციო ბრძოლის ისეთ სიმბოლოს, რომელიც აერთიანებს თავისუფლების იდეას, სახელმწიფოებრივი სუვერენიტეტის ერთგულებას და გმირების თავდადებას, რომლებიც ამ წუთებშიც დგანან ევროპული ღირებულებების დაცვის ავანგარდში და აგრძელებენ დაღუპულ პატრიოტთა საქმეს, ამ ბრძოლაში უკრაინა საქართველოსაც წარმოადგენს, არამარტო ოკუპაციით გამოწვეული ტრაგედიით, არამედ, საერთო გამოწვევასთან, ოკუპაციასთან შეურიგებლობითაც.

28 თებერვალს, უკრაინისადმი სოლიდარობის ნიშნად, ფრაქციამ თბილისის საკრებულოში, თამარ მეფის სახელობის დარბაზში უკრაინის სახელმწიფო დროსა გადმოფინა.

04 მარტს, რაც ფრაქციის წევრებმა თბილისის საკრებულოს ვებგვერდითან შეიტყვეს, რომ საკრებულოს სახელით ჩატარებულა "უკრაინის დახმარების მიზნით შექმნილი საკოორდინაციო ჯგუფის" პირველი სამუშაო შეხვედრა, და წერილობით მიმართა თბილისის საკრებულოს თავმჯდომარეს :

მიუხედავად იმისა, რომ ასეთი ჯგუფის საკრებულოში შექმნა ჩვენთვის არ იყო ცნობილი და არავის მოუხდენია ჩვენი ინფორმირება სამუშაო შეხვედრაში მონაწილეობის თაობაზე, მთელი გულით მივესალმებით რუსულ ოკუპაციასთან მეზრძოლი ჩვენი მეგობარი ქვეყნის დახმარების პროცესში თბილისის საკრებულოს ჩართვას და ვიმედოვნებთ, რომ უკრაინის თანადგომის საკითხში შედეგება თბილისის საკრებულოს სრული შემადგენლობის ზეპარტიული თანამშრომლობა.

სამწუხაროდ საკრებულოს პარტიული უმრავლესობის მხრიდან არ მომხდარა არც ამ საკითხზეც თანამშრომლობა ოპოზიციასთან.

07 მარტს ფრაქციამ, ყოველი წევრის სახელით, წერილით მიმართა საქართველოში უკრაინის ელჩის მოვალეობის შემსრულებელს და საქართველოში მყოფი უკრაინელების მხარდასაჭერ პროექტებში სამსახურებრივი, პროფესიული და ფიზიკური მონაწილეობით სრული თანადგომა აღუთქვა.

თბილისის საკრებულოს 18 მარტის სხდომაზე მიხეილ კაკაურიძემ წარმოაჩინა პრობლემა, რომელიც ხელს უშლის თბილისის საკრებულოში სამუშაო გარემოს არსებობას:

ქვეყნის წინაშე არსებული გამოწვევების ფონზე, მიუღებელია, საკრებულოს სხდომა იწყებოდეს იმ დემაგოგიით, რაც დღეს მოვისმინეთ სახელისუფლო პარტიის წარმომადგენლების მხრიდან, ისევ გრძელდება ისეთი განცხადებების გაკეთება, რომლებიც

ემსახურება პოლარიზებას და საზოგადოების გახლეჩვას, რაც ნებით თუ უნებლიეთ, რუსული ნარატივია და "გათიშე და იბატონეს" პრინციპით არ გვაქვს პერსპექტივა, რომ ქვეყანა შევექმნათ იმ სახელმწიფოდ, რომლისთვისაც აქ ვართ... ოპოზიციის მიერ წარმოდგენილი კონსტრუქციული და საქმეზე ორიენტირებული წინადადებები არ იქნა მხარდაჭერილი მხოლოდ იმიტომ, რომ ოპოზიციის ინიციატივაა"

საკრებულოს 15 აპრილის სხდომაზე ნინო კვიციანიშვილმა ყურადღება გაამახვილა თბილისის საკრებულოში ოპოზიციისადმი დამოკიდებულებაზე, როცა საკრებულოში კომისიების სახელით იმართება ღონისძიებები და ამას კომისიის ოპოზიციონერი წევრები საკრებულოს ვებსაიტიდან ან სოციალურ ქსელის გვერდიდან იგებენ, როგორც მაგალითად განათლებისა და კულტურის კომისიის ეგიდით გაიმართა სახელმწიფო ენის დღისადმი მიძღვნილი ღონისძიება და თავად, ამავე კომისიის წევრი არ იყო ინფორმირებული.

11 აპრილს გაკეთებული ბრიფინგით ანა გოგოლაძე გამოეხმაურა ვაჟა-ფშაველას გამზირზე ავტობუსის გაჩერებაზე მოწყობილი მოსაცდელი წაქცევის ფაქტს გამოეხმაურა და აუდიტის სამსახურს თბილისის მერიასა და კომპანია „ალმას“ შორის გაფორმებული ხელშეკრულების შესწავლისკენ მოუწოდა.

19 აპრილს ანა გოგოლაძემ საკრებულოს მიმართა საინიციატოვო პროექტით, რომ მკვეთრად და მნიშვნელოვნად გამოხატულ შეზღუდული შესაძლებლობების მქონე პირებს უფასოდ მგზავრობის უფლება მიენიჭოთ. თბილისის საკრებულოს ინიციატივის განხილვა დღემდე არ მოუხდენია .

05 მაისს ფრაქციამ პროტესტი გამოთქვა და ბოიკოტი გამოაცადა საოკუპაციო რეჟიმის ტყვეობაში მყოფი საქართველოს მესამე პრეზიდენტის ჯანმრთელობასა და სიცოცხლესთან დაკავშირებით "ქართული ოცნების" ხელისუფლების მხრიდან არაადამიანური მოპყრობის გამო.

ფრაქციის განცხადებით მიხეილ სააკაშვილისთვის სათანადო მკურნალობის გაუწევლობას აღქმული იქნა როგორც წამება და მისი მკვლელობის მომზადება.

ფრაქციამ მოითხოვა რომ: დაუყონებლივ შეწყდეს მიხეილ სააკაშვილის უფლებების დანაშაულებრივი ხელყოფა და სასწრაფოდ მოხდეს საქართველოს მესამე პრეზიდენტის გადაყვანა სათანადო სამედიცინო დაწესებულებაში, რომელსაც გააჩნია მისი მდგომარეობის შესაბამისი გამოცდილება და სამკურნალო შესაძლებლობები.

21 ივნისის ბრიფინგით ნინო კვიციანიშვილმა გაავრცელა ფრაქციის მოთხოვნა სამგორის გამგებლის კახა სამახარაძისა და უსაფრთხოების საქალაქო სამსახურის უფროსის ნიკოლოზ ჭონქაძის თანამდებობებიდან გადაყენების თაობაზე, მათი მხრიდან ადამიანის უფლებების უპატივცემულობის და სამოქალაქო აქციის მონაწილეთა უცენზურო სიტყვების შეურაცხყოფის გამო.

ფრაქციის წევრებმა უფლებამოსილების ფარგლებში ყველა საშუალება გამოიყენეს, რომ თბილისის საკრებულოს კომისიებს და საკრებულოს სხდომას არ მიეღო კორუფციული

გარიგება. რომელიც დღეს ქალაქ თბილისის მუნიციპალიტეტის საკრებულოს, 2022 წლის 16 ივლისის # 318 განკარგულების სახით არსებობს.

ფრაქციის წევრებმა ირაკლი ნადირაძემ და ლილე ლიპარტელიანი სასამართლოს მიმართეს განკარგულების შეჩერების თაობაზე, რომელიც სასამართლოს მიერ უარყოფილი იქნა, ამის შედეგ სასამართლოში შევიდა სარჩელი ამ განკარგულების ბათილად ცნობის თაობაზე.

09 აგვისტოს ირაკლი ნადირაძემ თბილისის საკრებულოში გამართა ბრიფინგი დედაქალაქის ცენტრში მავნებლური განაშენიანების რეგულირების გეგმის პროექტთან დაკავშირებით, რომელიც სანზონის, ნაძალადევის, დიდუბის, ჩუღურეთის რაიონებში სატრანსპორტო კოლაფსს შექმნის, რადგან აღნიშნულ ტერიტორიას დანარჩენ ქალაქთან შესაბამისი სატრანსპორტო კავშირები არ გააჩნია. ეს არის ურბანული დანაშაული თბილისელების წინაშე. ქართულ ოცნებასთან დაკავშირებულ ადამიანებს თბილისელების ინტერესების ხარჯზე სურთ იშოვნონ მილიონები“ და პარტიულ უმრავლესობას პროექტზე უარის თქმისკენ მოუწოდა.

19 სექტემბერს ფრაქციამ თბილისში მიმდინარე სატრანსპორტო პრობლემებთან დაკავშირებით, გზებზე, მეტროსა და ავტობუსებში, გზებზე არსებულ მდგომარეობასთან დაკავშირებით სხდომაზე მიიწვია სსიპ ქალაქ თბილისის ტრანსპორტისა და ურბანული განვითარების სააგენტოს უფროსი ვიქტორ წილოსანი, თუმცა წილოსანი სხდომაზე არ გამოცხადდა.

07 ოქტომბერს ფრაქციის თავმჯდომარემ ირაკლი ნადირაძემ ბრიფინგი გამართა. რომელიც ეხებოდა შემდეგ ფაქტს; 2017 წელს, თბილისის მერიამ ვერის ხეობაში, 9600 კვ. მეტრი მიწის ნაკვეთი, სპორტული კომპლექსის ასაშენებლად, კვადრატული 12 დოლარად გაყიდა. „ერთიანი ნაციონალური მოძრაობის“ თავმჯდომარის თქმით, აღნიშნულ ტერიტორიაზე, სპორტული კომპლექსის ნაცვლად, კომპანია „თეთრი კვადრატი“ საცხოვრებელ კორპუსს აშენებს. რაც ხალხის ფულის გაფლანგვის ნათელი მაგალითია, ფრაქცია მუშაობს ამ კორუფციული ფაქტის გასასაჩივრებლად, რადგან საკრებულოში „ქ.ოცნების“ უმრავლესობამ ამ კორუფციულ სქემას მხარი დაუჭირა.

19 ოქტომბერს, ფრაქციამ უზრუნველყო თბილისის მერის მერის ადმინისტრაციის წინასწარი ინფორმირება, რომ ფრაქციის წევრებს სურდათ თბილისი მთავრობის სხდომაზე დასწრება, თუმცა, პოლიციისა და უსაფრთხოების საქალაქო სამსახურის თანამშრომლების მონაწილეობით, საკრებულოს წევრები უკანონოდ არ იქნენ დაშვებული იმ ადმინისტრაციული კოლეგიური ორგანოს საჯარო სხდომაზე.

თორნიკე ბიკაშვილმა გაწეული სამუშაოს შესახებ ინფორმირების პროცესში წარმოადგინა ადგილობრივი თვითმმართველობის სტრუქტურების მუშაობაზე კორუფციული ინტერესების გავლენის მაგალითები, შესყიდვების სფეროში არსებული პრაქტიკა.

ნინო კვიციანიშვილმა ასევე ისაუბრა განათლებისა და კულტურის კომისიასა და სპორტისა და ახალგაზრდულ საქმეთა კომისიებზე განხილულ საკითხებზე და მის აქტივობაზე,

საკრებულოს წევრის უფლებამოსილების ცნობიდან ანგარიშის წარდგენამდე მონაწილეობა მიიღო განათლებისა და კულტურის კომისიის 10 სხდომის და სპორტისა და ახალგაზრდულ საქმეთა კომისიის 9 სხდომის მუშაობაში, საკრებულოს წევრმა ამომრჩეველს გააცნო ინიციატივის მოამზადების პროცესში არსებული სირთულები, რაც უკავშირდება ადმინისტრაციული ორგანოებიდან, საბიუჯეტო დაწესებულებებიდან ინფორმაციის მიღების პრობლემებს და საკრებულოს უმრავლესობის მხრიდან ნების უქონლობას ოპოზიციიდან წარდგენილი წინადადების და ინიციატივის მხედველობაში მიღებაში.

შეხვედრაზე მყოფ ამომრჩეველებს მიხეილ კაკაურიძემ მოახსენა:

„დღიდან საკრებულოს წევრად ცნობისა ვესწრებოდი და მონაწილეობა მივიღე 11 საკრებულოს სხდომის მუშაობაში, ამავდროულად ურბანული დაგეგმარებისა და საქალაქო მეურნეობის და სატრანსპორტო საკითხთა კომისიებში სხდომისთვის განხილული იქნა შესაბამისად 217 და 38 საკითხი. ამასთან ერთად მიმდინარე პოლიტიკური მოვლენების განსახილველად, საკრებულოში საქმიანობის დასახვეწად და წინააღმდეგობების გადასაწყვეტად ვმონაწილეობდი თანაპარტიელებთან ერთად ყოველთვიურად რამოდენიმეჯერ „ერთიანი ნაციონალური მოძრაობის“ ფრაქციის სხდომებში.

საკრებულოს გადაწყვეტილებათა პროექტების მომზადებისას ძირითადად კომისიაში მუშაობისას არაერთი ინიციატივა შევთავაზე კოლეგებს, რომელთა ნაწილი გათვალისწინებულ იქნა მაგ. გაუნაშენიანებელ ტერიტორიებზე შემოტანილ და მიღებულ განაშენიანების რეგულირების გეგმაში წინაპირობად განესაზღვრათ მათივე სახსრებით რიგი ინფრასტრუქტურული პროექტების განხორციელება, რაც მუნიციპალიტეტისთვის მატერიალური დანახარჯის არიდების მიზნით მოვითხოვე და ამ მიმართულებით არაერთი ინიციატივების შეტანას განვახორციელებ მომავალში ვინაიდან ქალაქისთვის არაა პრიორიტეტი სუბურბანული განვითარება და მასთან დაკავშირებული მოსალოდნელი ხარჯი მილიონებია, რომელიც მუნიციპალიტეტისთვის მძიმე ტვირთი იქნება მსუბუქად, რომ ვთქვათ და შეუძლებელს გახდის საჭირო მუნიციპალური პროექტების დაფინანსებას.

ამავდროულად ზეპირი ინიციატივებით გავახმოვანე კომისიების მუშაობის პროცესში და მათი რეალიზება გადაწყვეტილებათა პროექტების მომზადების სახით სამუშაო ეტაპზე მაქვს და უმოკლეს დროში წარვუდგენ საზოგადოებასა და კოლეგებს განსახილველად და გადასაწყვეტად.

ამ ეტაპზე ინიცირება მაქვს წარდგენილი საკრებულოს თავმჯდომარეზე უახლოეს საკრებულოს სხდომაზე განსახილველად „ქალაქ თბილისის ტერიტორიების გამოყენებისა და განაშენიანების რეგულირების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2016 წლის 24 მაისის N14-39 დადგენილებაში ცვლილებების პროექტი, რითაც შესაძლებელი იქნება მუნიციპალიტეტის საბინაო ფონდის გაზრდა და მიწათსარგებლობის გენერალური გეგმით განსაზღვრული მოთხოვნებით სივრცეების შენარჩუნება, ხოლო ცვლილებების შემთხვევაში იქ მცხოვრებ პირთა მიმართ სათანადო საცხოვრებელი პირობების შექმნა.

ამომრჩეველთა მომართვების შედეგად თანამშრომლობის არაერთი მცდელობა მაქვს შესაბამის სამსახურებთან მათ გადასაწყვეტად: გლდანის რ-ის გამგეობა, ქონების მართვის სააგენტო, ქალაქ თბილისის მერია და ტრანსპორტისა და ურბანული განვითარების სააგენტოსთან მიმართებაში. გარკვეული შედეგი გვაქვს მათგან საკითხების შესწავლისა და გადაწყვეტის მხრივ, მაგრამ ჯერ-ჯერობით შესაძლოა ითქვას „არადაამაკმაყოფილებელი“. ყოველი მცდელობა შუამდგომლობის დამატებით შესაძლებლობას იძლევა საკითხთა დადებითად გადასაწყვეტად და ამ ეტაპზე მიმდინარეობს აქტიური ურთიერთობები თბილისის მთავრობასთან და მისდამი დაქვემდებარებულ რგოლებთან, მაგალითად საკრებულოს წევრის უფლებამოსილების ფარგლებში სამუშაო რეჟიმში შეხვედრა ვითხოვე გარკვეულ სსიპ-ის წარმომადგენლობასთან მოსახლეობის მოთხოვნათა მოსაგვარებლად, მაგრამ მიუხედავად დაპირებისა სამწუხაროდ დღემდე ვერ დამყარდა სათანადო კომუნიკაცია.

ამასთან ერთად იუსტიციის სამინისტროს მივმართე წინადადებით ქ. თბილისში რეგისტრირებულ მიწის ნაკვეთებთან დაკავშირებით საჯარო რეესტრის ამონაწერში ტერიტორიულ-სტრუქტურული და ფუნქციური ზონებისა და ქვეზონების მითითების თაობაზე, რაც მნიშვნელოვანია უძრავი ქონების მფლობელისა თუ ამ ქონებით დაინტერესებული პირისთვის “

მამუკა გუგუშაშვილმა საჯარო შეხვედრაზე დამსწრე მოქალაქეებს წარუდგინა ინფორმაცია საკრებულოსა და საკრებულოში მისი აქტივობის შესახებ და ის საკითხები, რომელზეც მან იმუშავა. მამუკა გუგუშაშვილი ჯანმრთელობის დაცვის და სოციალურ საკითხთა კომისიაში დაესწრო 14 კომისიის სდომას. ხოლო, ურბანული განვითარების და საქალაქო მეურნეობის კომისიაში 13 სხდომას, როგორც საკრებულოში, ისე საკრებულოს გარეთ აქტიურად ხვდება მოქალაქეებს, მ მაცხოვრებელების თხოვნით თხოვნით არაერთხელ მოახდინა მოქალაქეთა საცხოვრებელი პირობების ადგილზე დათვალიერება, მათი საცხოვრებელი პირობების და პრობლემების შესწავლა და შუამდგომლობის გაწევა მათი დახმარების მიზნით.

შოთა გრიგოლიამ და ირაკლი ემგვერამემ ამომრჩეველებთან საჯარო შეხვედრაზე დამსწრე პირებს მიაწოდეს ინფორმაცია თბილისის მუნიციპალიტეტის საკრებულოში, სახელდებისა და სიმბოლიკის, გარემოს დაცვის, სპორტისა და ახალგაზრდულ საქმეთა კომისიებში მათ მიერ განხილული საკითხების თაობაზე, ინფორმაცია მოქალაქეებთან შეხვედრების დროს წამოჭრილ საკითხებზე და მათი მოგავრაების მიზნით გატარებულ ღონისძიებებზე.

ბარბარა ჯიმელი სულაშვილმა დარბაზს გააცნო კომისიებში მისი აქტიურობის შესახებ, ეკონომიკური განვითარების, საინვესტიციო პოლიტიკისა და საერთაშორისო ურთიერთობების კომისიის 7 სხდომაში, და გარემოს დაცვის კომისიის 10 სხდომაში მიიღო მონაწილეობა, ისაუბრა იმ საკითხებზე რომელთა განხილვაში მიიღო მონაწილეობა. მან ასევე მაგალითად მოიყვანა “საქანელას” პროექტთან დაკავშირებული უზუსტობა, როცა საკრებულოსთვის მიწოდებული მასალები სრულად არ ასახავდნენ რეალობას, საკრებულოს წევრები გადაწყვეტილებას იღებენ წარმოდგენილი დოკუმენტაციის შესწავლის საფუძველზე და როდესაც ეს დოკუმენტაცია არ არის სრულყოფილი, სერიოზული პრობლემაა.

მიუხედავად იმისა, რომ კანონმდებლობა ადგენს საკრებულოს მორიგი სხდომის აუცილებლობას თვეში ერთხელ მაინც, ამ მოწვევის საკრებულოს არ მოუწვევია, არც ერთი მორიგი სხდომა. ყოველი სხდომა ჩატარდა ფორსირებულ რეჟიმში, უმეტეს შემთხვევაში სხდომის წინა დღეს გასაჯაროებული სხდომის დღის წესრიგით.

აღნიშნულ მანკიერ პრაქტიკას აღვიქვამთ როგორც საკრებულოს წევრებისთვის უფლებამოსილების განხორციელებაში ხელშეშლას, საბოტაჟს და ეს ის რეჟიმია, სადაც გვიწევს მუშაობა.

თორნიკე ბიკაშვილი

ანა გოგოლაძე

მამუკა გუგუშაშვილი

შოთა გრიგოლია

ირაკლი ებგვერაძე

ნინო კვიციანი

მიხეილ კაკაურიძე

ირაკლი ნადირაძე

ბარბარა ჯიმელი სულაშვილი

